



Assalamualaikum wbt dan Salam Sejahtera,

YB Menteri/ YB Timbalan Menteri /YBhg. Datuk Dr./ YBhg. Datuk /YBhg. Dato’/YBrs. Dr./Tuan/Puan

2. Sukacita disertakan laporan pemantauan akhbar dan berita berkaitan dengan kementerian ini bertarikh 9 Mac 2023 (Khamis) untuk makluman dan perhatian sewajarnya.

**Disediakan oleh,
Unit Komunikasi Korporat
Kementerian Pembangunan Wanita, Keluarga dan Masyarakat**

BIL	PERKARA	SUMBER	SENTIMEN
1	<p>Usah Berkira Carum I-Sayang Buat Isteri - PM [METROTV]</p> <p>https://www.hmetro.com.my/mutakhir/2023/03/943639/usah-berkira-carum-i-sayang-buat-isteri-pm-metrotv</p> <p>https://www.bharian.com.my/berita/nasional/2023/03/1074139/i-sayang-benarkan-suami-pindah-2-peratus-caruman-kwsp-untuk-isteri</p> <p>https://malaysiagazette.com/2023/03/08/perdana-menteri-sambut-hari-wanita-antarabangsa-2023/</p> <p>https://www.sinardaily.my/article/191664/malaysia/nasional/epf-i-sayang-anwar-chided-husbands-reluctant-to-share-epf-contributions-with-wives</p> <p>https://www.sinarharian.com.my/ampArticle/248752</p>	<p>Harian Metro</p> <p>Berita Harian</p> <p>Malaysia Gazette</p> <p>Sinar Daily</p> <p>Sinar Harian</p>	Positif

	<p>https://www.edisi9.com.my/2023/03/i-sayang-dua-peratus-caruman-kwsp-suami-untuk-isteri/</p> <p>https://newswav.com/article/kwsp-kpwkm-lancar-i-sayang-A2303_7Nt9bN</p> <p>https://mykmu.net/2023/03/08/kwsp-lancar-i-sayang-bantu-suami-carum-dua-peratus-buat-isteri/</p> <p>https://www.orientaldaily.com.my/news/nation/2023/03/08/551653</p> <p>https://www.theborneopost.com/2023/03/08/with-i-sayang-husbands-can-now-share-2-pct-of-their-epf-contributions-with-wives/</p>	<p>Edisi 9</p> <p>Newswav</p> <p>Mykmu</p> <p>Oriental Daily</p> <p>The Borneo Post</p>	
2	<p>Nancy Says Women's Ministry's Hands Mostly Tied To Amend Child Marriage Laws, Ball In State Govt's Court</p> <p>https://www.malaymail.com/news/malaysia/2023/03/08/nancy-says-womens-ministrys-hands-mostly-tied-to-amend-child-marriage-laws-ball-in-state-govts-court/58594</p> <p>https://www.malaysiakini.com/news/657865</p> <p>https://www.freemalaysiatoday.com/category/nation/2023/03/08/state-govts-have-last-say-in-banning-child-marriages-says-nancy/</p> <p>https://www.youtube.com/watch?v=Abs3ot4rWI8</p> <p>https://www.thestar.com.my/news/nation/2023/03/08/federal-govt-strongly-against-child-marriages-but-up-to-states-to-ban-says-nancy</p> <p>https://www.malaysiakini.com/news/657865</p> <p>https://www.malaymail.com/news/malaysia/2023/03/08/nancy-says-womens-ministrys-hands-mostly-tied-to-amend-child-marriage-laws-ball-in-state-govts-court/58594</p>	<p>Malay Mail</p> <p>Malaysia Kini</p> <p>FMT</p> <p>The Star</p> <p>The Star</p> <p>Malaysia Kini</p> <p>Malay Mail</p>	Neutral

	https://newsway.com/article/nancy-women-s-ministry-s-hands-mostly-tied-to-amend-child-marriage-laws-bal-A2303 kaTAKb	Newswav	
3	<p>Wanita Penggerak Utama Pembangunan Negara – Nancy Shukri</p> <p>https://tvstv.my/2023/03/08/wanita-penggerak-utama-pembangunan-negara-nancy-shukri/</p> <p>https://berita.rtm.gov.my/~berita/index.php/semasa/58850-iktiraf-sumbangan-wanita-kepada-pembangunan-negara</p>	<p>TVSTV</p> <p>Berita RTM</p>	Neutral
4	<p>PM Wants Women To Have Greater Role In GLC, GLIC</p> <p>https://www.nst.com.my/news/nation/2023/03/887099/updated-pm-wants-women-have-greater-role-glc-glic</p> <p>https://wartaoriental.com/2023/03/08/senator-wanita-mungkin-ditambah/</p> <p>https://www.thesundaily.my/cerita/berita/anwar-glc-glic-digesa-tingkatkan-penglibatan-wanita-sebagai-pembuat-keputusan-DE10726137</p> <p>https://klse.i3investor.com/web/blog/detail/savemalaysia/2023-03-08-story-h-296353612-PM-wants-women-to-have-greater-role-in-GLC-GLIC</p> <p>https://www.utusan.com.my/nasional/2023/03/senator-wanita-mungkin-ditambah/</p> <p>https://www.astroawani.com/berita-malaysia/pm-anwar-mahu-glc-glic-buka-lebih-ruang-kerjaya-kepada-wanita-409835?amp=1</p> <p>https://berita.rtm.gov.my/~berita/index.php/semasa/58886-peranan-wanita-dalam-kerjaya-perlu-ditingkatkan-pm</p>	<p>NST</p> <p>Warta Oriental</p> <p>The Sun Daily</p> <p>Klse. I3investor</p> <p>Utusan</p> <p>Astro Awani</p> <p>Berita RTM</p>	Positif

<p>5</p>	<p>RM500,000 Diberi Kepada ISM Bagi Penyelidikan Perkasa Wanita, Kata PM</p> <p>https://www.themalaysianinsight.com/bahasa/s/431917</p> <p>https://www.buletintv3.my/nasional/peruntukan-rm500000-bagi-penyelidikan-perkasa-wanita-pm/</p> <p>https://www.thevibes.com/articles/news/87276/govt-allocates-rm500000-to-women-development-research</p> <p>https://www.malaysiachinainsight.com/2023/03/08/rm500000-allocated-to-ism-for-research-on-empowerment-of-women-pm/</p> <p>https://www.hmetro.com.my/amp/mutakhir/2023/03/943634/rm500000-diberi-kepada-ism-bagi-penyelidikan-perkasa-wanita-pm</p> <p>https://malaysiagazette.com/2023/03/08/peruntukan-rm500000-kepada-institut-sosial-malaysia-pm/</p> <p>https://www.bernama.com/bm/news.php?id=2171291</p> <p>https://www.nst.com.my/news/nation/2023/03/887180/anwar-rm500000-allocated-ism-research-empowerment-women</p> <p>https://www.getaran.my/artikel/semasa/42205/rm500000-untuk-ism-lancar-penyelidikan-perkasa-wanita-pm</p> <p>https://www.youtube.com/watch?v=qPwWaD_gbBE</p>	<p>The Malaysia Insight</p> <p>Buletin TV3</p> <p>The Vibes</p> <p>Malaysia China Insight</p> <p>Harian Metro</p> <p>Malaysia Gazette</p> <p>Bernamea</p> <p>NST</p> <p>Getaran</p> <p>Berita Harian Online</p>	<p>Positif</p>
<p>6</p>	<p>Kerajaan Umum Lima Inisiatif Perkasa Golongan Wanita</p> <p>https://www.kosmo.com.my/2023/03/08/kerajaan-umum-lima-inisiatif-perkasakan-wanita/</p> <p>https://www.astroawani.com/berita-malaysia/pm-umum-peruntukan-awal-rm1-juta-untuk-tabung-kasih-rahmah-wanita-409841?amp=1</p>	<p>Kosmo</p> <p>Astro Awani</p>	<p>Positif</p>

	<p>https://www.sinarharian.com.my/article/248779/berita/nasional/pm-lulus-rm1-juta-bantu-mangsa-keganasan-rumah-tangga</p> <p>https://www.edisi9.com.my/2023/03/rm1-juta-untuk-tabung-kasih-rahmah-wanita-pm/</p> <p>https://berita.rtm.gov.my/~berita/index.php/semasa/58891-peruntukan-rm1-juta-untuk-tabung-kasih-rahmah-wanita-pm</p>	<p>Sinar Harian</p> <p>Edisi 9</p> <p>Berita RTM</p>	
7	<p>Pejuanita: KPWKM Disaran Tingkat Dasar Pembangunan Wanita</p> <p>https://sumberkini.my/pejuanita-kpwkm-disaran-tingkat-dasar-pembangunan-wanita/</p>	<p>Sumber Kini</p>	Neutral
8	<p>JKM Melaka Siasat Dakwaan Makanan Di PPS Tidak Berkualiti</p> <p>https://www.thesundaily.my/cerita/berita/jkm-melaka-siasat-dakwaan-makanan-di-pps-tidak-berkualiti-PE10724856</p> <p>https://m.malaysiakini.com/news/657809</p> <p>https://malaysiagazette.com/2023/03/08/jkm-siasat-syarikat-katering-hidang-ikan-berbau-di-pps/</p> <p>https://www.bernama.com/bm/am/news_bencana.php?id=2171197</p> <p>https://www.melakahariini.my/jkm-siasat-dakwaan-hidangan-pps-busuk-tak-berkualiti/</p> <p>https://www.kosmo.com.my/2023/03/08/jkm-senarai-hitam-syarikat-katering-masak-ikan-busuk/</p> <p>https://www.sinarharian.com.my/article/248717/edisi/melaka-ns/siasat-katering-beri-ikan-busuk-kepada-mangsa-banjir</p> <p>https://suaramerdeka.com.my/isu-ikan-berbau-syarikat-pembekal-makanan-akan-disenaraihitamkan/</p>	<p>The Sun Daily</p> <p>Malaysia Kini</p> <p>Malaysia Gazette</p> <p>Bernamea</p> <p>Melaka Hari Ini</p> <p>Kosmo</p> <p>Sinar Harian</p> <p>Suara Merdeka</p>	Neutral

9	<p>Inkues: Syifaa Berdiri Dalam Buaian, Kepala Tertunduk Keluar [METROTV]</p> <p>https://www.hmetro.com.my/mutakhir/2023/03/943635/inkues-syifaa-berdiri-dalam-buaian-kepala-tertunduk-keluar-metrotv</p> <p>https://www.utusan.com.my/berita/2023/03/baby-syifaa-susah-tidur-pengasuh-terpaksa-guna-buai/</p> <p>https://www.bharian.com.my/berita/kes/2023/03/1074187/inkues-baby-syifaa-pengasuh-akui-terpaksa-guna-buaian-untuk-menidurkan</p> <p>https://www.sinarharian.com.my/article/248759/berita/s-emas/pengasuh-guna-buaian-kerana-baby-syifaa-tak-berhenti-menangis</p>	<p>Harian Metro</p> <p>Utusan</p> <p>Berita Harian</p> <p>Sinar Harian</p>	Neutral
10	<p>Dasar Pindaan Tiga Akta Berkaitan Jenayah Seksual Kanak-Kanak Diluluskan</p> <p>https://www.malaysiakini.com/news/657840</p> <p>https://www.hmetro.com.my/mutakhir/2023/03/943523/pinda-3-akta-lindungi-kanak-kanak-metrotv</p>	<p>Malaysia Kini</p> <p>Harian Metro</p>	Neutral
11	<p>Kepala Kanak-Kanak Tersangkut Celah Jeriji Pintu</p> <p>https://www.sinarharian.com.my/article/248748/edisi/se-langor-kl/kepala-kanak-kanak-tersangkut-celah-jeriji-pintu</p> <p>https://www.kosmo.com.my/2023/03/08/kepala-kanak-kanak-sangkut-jeriji-ketika-ambil-mainan/</p> <p>https://mediavariasi.com/2023/03/kepala-kanak-kanak-tersepit-di-jeriji-rumah-sebab-mainan/</p> <p>https://www.msn.com/en-my/sports/other/kepala-kanak-kanak-tersangkut-celah-jeriji-pintu/ar-AA18m2h6?li=BB8YXF</p>	<p>Sinar Harian</p> <p>Kosmo</p> <p>Media Variasi</p> <p>MSN</p>	Neutral
12	<p>Berhenti Kerja Jaga Isteri Strok, Anak OKU</p> <p>https://www.sinarharian.com.my/article/248809/edisi/m-elaka-ns/berhenti-kerja-jaga-isteri-strok-anak-oku</p>	<p>Sinar Harian</p>	Neutral

	https://newswav.com/article/berhenti-kerja-jaga-isteri-strok-anak-oku-A2303_srvBWg	Newsav	
13	<p>Suami Isteri Miliki Dua Anak OKU Sebak Dapat Rumah Baharu</p> <p>https://www.sinarharian.com.my/article/248692/edisi/suami-isteri-miliki-dua-anak-oku-sebak-dapat-rumah-baharu</p> <p>https://www.trdi.my/rumah-baru-anugerah-terindah-buat-dua-anak-oku</p> <p>https://newswav.com/article/suami-isteri-miliki-dua-anak-oku-sebak-dapat-rumah-baharu-A2303_mTDTBI</p>	<p>Sinar Harian</p> <p>TRDI</p> <p>Newsav</p>	Neutral
14	<p>OKU Penglihatan Mohon Bantuan Bagi Meneruskan Kelangsungan Hidup</p> <p>https://www.utusanborneo.com.my/2023/03/08/oku-penglihatan-mohon-bantuan-bagi-meneruskan-kelangsungan-hidup</p>	Utusan Borneo	Neutral
15	<p>JKSS Sentiasa Lindungi Hak Nafkah Wanita Dan Kanak-Kanak</p> <p>https://www.utusanborneo.com.my/2023/03/08/jkss-sentiasa-lindungi-hak-nafkah-wanita-dan-kanak-kanak</p>	Utusan Borneo	Neutral

USAH BERKIRA CARUM I-SAYANG BUAT ISTERI - PM [METROTV]

<https://www.hmetro.com.my/mutakhir/2023/03/943639/usah-berkira-carum-i-sayang-buat-isteri-pm-metrotv>

Sumber : Harian Metro



Kuala Lumpur: Perdana Menteri Datuk Seri Anwar Ibrahim meminta golongan suami supaya tidak berkira untuk membuat pemotongan Kumpulan Wang Simpanan Pekerja (KWSP) kepada isteri menerusi inisiatif i-Sayang.

Anwar berkata, inisiatif i-Sayang yang memindahkan hanya dua peratus dari syer caruman suami dilaksanakan sebagai tanda penghargaan kepada golongan wanita yang bergelar isteri dan ibu.

"Saya harap semua suami terutama dalam kalangan penjawat awam (berbuat demikian). Kita akan senaraikan siapa yang enggan.

"Ia hanya amaun yang kecil yang perlu dikeluarkan seorang suami bagi menghargai isteri atau ibu yang melahirkan anak-anak mereka.

"Saya rasa kita harus meminta ketua jabatan dan GLC untuk memastikan majikan beri sumbangan," katanya ketika merasmikan Hari Wanita Kebangsaan 2023, di Dewan Perdana Felda, di sini, hari ini.

Hadir sama, isteri Perdana Menteri, Datuk Seri Dr Wan Azizah Wan Ismail dan Menteri Pembangunan Wanita, Keluarga dan Masyarakat, Datuk Seri Nancy Shukri.

Sementara itu, beliau berkata, kerajaan sedang meneliti cadangan untuk menambah bilangan keanggotaan wanita sebagai Ahli Dewan Negara berikutan pembabitan wanita di kancah politik yang masih rendah.

Menurutnya, inisiatif turut diambil bagi menambah bilangan wanita sebagai ahli lembaga pengarah syarikat berkaitan kerajaan (GLC) yang ketika ini hanya berada di tahap 29 peratus.

"Kita hadapi sekarang di sektor swasta, sektor kerajaan ada kemajuan dengan jumlah pembabitkan wanita di peringkat pembuat keputusan gred utama C ke atas adalah 38.8 peratus.

"Saya mahu semua GLC ambil perhatian, semua pelantikan baharu di GLC dan peluang-peluang kenaikan pangkat, saya mahu satu perubahan, tentunya beransur-ansur, mempunyai kelayakan tapi mesti ada peranan nyata dalam meningkatkan peranan wanita," katanya.

NANCY SAYS WOMEN'S MINISTRY'S HANDS MOSTLY TIED TO AMEND CHILD MARRIAGE LAWS, BALL IN STATE GOVT'S COURT

<https://www.malaymail.com/news/malaysia/2023/03/08/nancy-says-womens-ministrys-hands-mostly-tied-to-amend-child-marriage-laws-ball-in-state-govts-court/58594>

Sumber : Malay Mail



KUALA LUMPUR, March 8 — Putrajaya can only negotiate with state governments to amend laws that are currently allowing child marriages, Women, Family and Community Development Minister Datuk Seri Nancy Shukri said today.

Nancy said this is because Shariah and native laws fall under the jurisdiction of the states, and therefore the latter holds the final say on whether to approve the amendments while the federal government cannot interfere much in the matter.

"This is the states' jurisdiction and we cannot impose on them. We can request to have engagement sessions like Selangor and Penang had with us.

"Some states are harder to deal with than others because of the native law. Then at the same time, we have programmes to empower women, and teach them the good and bad about teenage marriages.

"So we need to keep continuing to do these advocacy events, give the youngsters awareness on what's happening," she said during an International Women's Day event here.

Nancy said Selangor had accepted to amend the laws, and urged the public for more time to tackle this issue as she just took office not long ago.

Her successor in Perikatan Nasional, Datuk Seri Rina Harun, had previously said that Putrajaya would not ban child marriages and suggested instead that public perception towards it is changed through education.

In March last year, Unicef Malaysia noted an upwards trend in child marriages here during the Covid-19 pandemic, which was attributed to the increase in school closures, parental deaths and the families worsening financial situations.

Government data in 2021 showed an average of 1,500 children in the country from various religions, ethnicities, and communities marry annually with girl brides making up 90 per cent.

Nancy said her ministry has already written to the states to ask to meet and speak with the officials and agencies in charge regarding these issues.

She said the Cabinet has also asked religious affairs minister Mohd Na'im Mokhtar to deal with the state governments on this matter.

"He is there to listen and to convey the federal government's interests. While we cannot just sit back and do nothing we have to make an effort. We hope that without having adults telling them they need to get married, they can make up their own minds and have the awareness that he or she should not be married at a very young age," she said.

WANITA PENGGERAK UTAMA PEMBANGUNAN NEGARA – NANCY SHUKRI

<https://tvstv.my/2023/03/08/wanita-penggerak-utama-pembangunan-negara-nancy-shukri/>

Sumber : TVSTV



KUCHING, 8 Mac: Golongan wanita merupakan tonggak dalam memastikan kesejahteraan dan kemakmuran pembangunan keluarga, masyarakat dan negara adalah seimbang.

Menteri Pembangunan Wanita, Keluarga dan Masyarakat, Datuk Seri Nancy Shukri berkata, sambutan Hari Wanita Sedunia adalah untuk mengiktiraf dan menghargai jasa yang telah diberikan kaum wanita.

“Wanita pada hari ini bukan sahaja bergelar isteri atau ibu, tetapi juga wanita bekerjaya dan salah satu penggerak utama kepada pembangunan negara. Ia sejajar dengan tema #KasihWanita seperti yang dihasratkan oleh kerajaan,” katanya dalam satu kenyataan hari ini.

Katanya, wanita sentiasa berusaha untuk memelihara keharmonian keluarga selain menitikberatkan akhlak mulia dalam pembangunan masyarakat setempat.

Pada tahun ini, Kementerian Pembangunan Wanita, Keluarga, dan Masyarakat (KPWKM) memilih tema Kasih Wanita yang bertepatan dengan peranan golongan ini yang sentiasa mencurahkan kasih sayang. – TVS

PM WANTS WOMEN TO HAVE GREATER ROLE IN GLC, GLIC

<https://www.nst.com.my/news/nation/2023/03/887099/updated-pm-wants-women-have-greater-role-glc-glic>

Sumber : NST



KUALA LUMPUR: Prime Minister Datuk Seri Anwar Ibrahim wants women to be given a greater role and participation in government-linked companies (GLCs) and government-linked investment companies (GLICs).

In his speech at the 2023 International Women's Day celebration here today, Anwar wants GLCs and GLICs to give women, who are qualified, the priority not only in terms of new appointments but also promotions.

Anwar said although such a change could only be implemented in a gradual manner, he hoped to see significant progress in the roles played by women in the GLCs and GLICs.

"There are still avenues for improvement (to promote a greater role for women in companies). Giving women recognition is just not enough.

"There are still cases of sexual harassment involving women at workplace. Furthermore, there are many women in the workforce who feel they are not receiving the right recognition that they deserve for their wisdom, capabilities, and hard work equal to their male counterparts.

"That is why we need to explore this new mindset (of giving women greater recognition and role in organisations)," said Anwar in his speech at the event organised by the Women, Family and Community Development Ministry.

Present were its minister Datuk Seri Nancy Shukri and Education Minister Fadhlina Sidek.

Also in attendance was Anwar's wife, Datuk Seri Dr Wan Azizah Wan Ismail.

Anwar also cited a report by the Securities Commission, which showed the number of women holding board positions in the private sector stood at 29 percent as of Dec 31 last year.

He also said the number of women holding grade C and above positions in the civil service was more than 38 per cent.

At the event, Anwar also spoke about how the Malaysia Madani concept espoused by the unity government under his leadership was inspired by the contributions of women in the country.

"(Malaysia) Madani could never be created without the strength of a family foundation.

"And a strong family lies on the strength of a woman.

"If anyone asked me on how to ensure the success of Malaysia Madani... (his answer would be) That is right from the household under the guidance of a person whom we called mother," he said.

Anwar in his speech also paid tribute to his wife, Dr Wan Azizah, for all her contributions and sacrifices she had made especially in raising their children.

"I have to admit this... between myself and (Dr Wan) Azizah, she is better when it comes to raising our children," he said.

Anwar later announced RM1 million for the setting up of Tabung KASIH Rahmah (Rahmah KASIH Fund), aimed at helping women in vulnerable situations.

The fund, said Anwar, was being set-up under Nancy's ministry.

"The fund is to help women in vulnerable situations such as domestic abuse victims and those neglected by their spouses before they are assisted by the Welfare Department or tithe centres," he said.

RM500,000 DIBERI KEPADA ISM BAGI PENYELIDIKAN PERKASA WANITA, KATA PM

<https://www.themalaysianinsight.com/bahasa/s/431917>

Sumber : The Malaysia Insight



PERDANA Menteri Anwar Ibrahim bersetuju memberikan peruntukan permulaan sebanyak RM500,000 kepada Institut Sosial Malaysia (ISM) di bawah Kementerian Pembangunan Wanita, Keluarga dan Masyarakat.

Beliau berkata ia bagi membolehkan usaha penyelidikan dilakukan untuk memperkasa golongan wanita di negara ini.

“Ada bidang baharu untuk penyelidikan dan hakikatnya untuk golongan wanita, kaum ibu dan anak-anak mereka, saya rasa amalan atau program rutin atau umum dalam sistem birokrat ini mungkin tidak dapat melaksanakan tugas khas itu.

“Oleh sebab itu kementerian ini seolah-olah mencadangkan kita tidak semestinya mempunyai bahagian yang berbeza tetapi beberapa pegawai penyelidik yang bekerja di pusat akademik dan universiti tempatan atau pertubuhan antarabangsa untuk membuat rancangan atau penyelidikan yang memberi kesan kepada wanita...dan kita boleh tambah (peruntukan) nanti jika kita dapati kajian itu bermanfaat,” katanya.

Beliau berkata demikian semasa merasmikan Hari Wanita Antarabangsa 2023 di Kuala Lumpur hari ini.

Selain itu Anwar turut meluluskan peruntukan permulaan sebanyak RM1 juta bagi Tabung Kasih Rahmah Wanita di bawah KPWKM yang diwujudkan bagi membantu golongan wanita dalam keadaan terdesak seperti mangsa keganasan rumah tangga dan wanita yang diabaikan ahli keluarga.

Turut hadir Menteri Pembangunan Wanita, Keluarga dan Masyarakat Nancy Shukri, Menteri Pendidikan Fadhlina Sidek serta isteri Perdana Menteri yang juga Ahli Parlimen Bandar Tun Razak Dr Wan Azizah Wan Ismail.

Sementara itu Nancy dalam sidang media menzahirkan penghargaan kepada perdana menteri atas kelulusan peruntukan berkenaan yang antara lain akan memberi fokus penyelidikan berkaitan isu keganasan rumah tangga dan isu gangguan seksual.

“Kami sebenarnya memohon untuk Women Centre of Excellence tetapi Perdana Menteri menyarankan kami, beliau luluskan dahulu (usaha penyelidikan) di bawah ISM itu untuk mulakan penyelidikan dan lihat ke mana kami boleh pergi seterusnya,” katanya. – Bernama, 8 Mac, 2023.

KERAJAAN UMUM LIMA INISIATIF PERKASA GOLONGAN WANITA

<https://www.kosmo.com.my/2023/03/08/kerajaan-umum-lima-inisiatif-perkasakan-wanita/>

Sumber : Kosmo



KUALA LUMPUR – Kerajaan mengumumkan lima inisiatif bagi memastikan wanita di negara ini terus diperkasa termasuk peruntukan RM1 juta menerusi Tabung KASIH Rahmah Wanita.

Perdana Menteri, Datuk Seri Anwar Ibrahim berkata, cadangan Tabung KASIH Rahmah Wanita itu diwujudkan di bawah Kementerian Pembangunan Wanita, Keluarga dan Masyarakat (KPWKM) bagi membantu wanita yang memerlukan bantuan terdesak seperti mangsa keganasan rumah tangga.

“Ia juga bertujuan membantu mangsa keganasan rumah tangga yang diselamatkan dan wanita yang diabai ahli keluarga sebelum dibantu agensi seperti Jabatan Kebajikan Masyarakat dan pusat zakat.

“Dengan pelaksanaan ini juga diharapkan ia dapat menggalakkan lebih banyak pihak melaksanakan tanggungjawab sosial korporat sekali gus lebih banyak program pemerkasaan wanita dapat ditambah baik,” katanya selepas merasmikan Sambutan Hari Wanita Antarabangsa 2023 di sini, hari ini.

Beliau turut melancarkan Garis Panduan Pelaksanaan Program Advokasi Antigangguan Seksual bagi menggalakkan kesedaran tentang gangguan seksual dalam kalangan semua lapisan masyarakat.

“Modul Training for Trainers juga dibangunkan bertujuan melatih lebih ramai individu dalam advokasi antigangguan seksual seterusnya memperluaskan kesedaran masyarakat tentang perkara ini,” ujarnya.

Selain itu, kerajaan turut mengumumkan peruntukan RM5 juta di bawah KPWKM bagi pengumpulan data, penyelidikan dan penerbitan serta program berkaitan dengan pemerkasaan wanita.

“Sekurang-kurangnya 30 peratus wanita di peringkat pembuat keputusan yang dilaksanakan KPWKM pada 2023, antara isu dan cabaran yang dihadapi ialah wujudnya elemen diskriminasi, penetapan dasar dan amalan di peringkat organisasi dan sikap individu itu sendiri.

“Berdasarkan kajian ini juga, terdapat keperluan untuk mewujudkan sinergi antara semua pihak dalam menjayakan pemerkasaan wanita,” katanya.

Dalam masa sama, Anwar turut menetapkan sasaran baharu untuk mencapai penyertaan 30 peratus wanita sebagai lembaga pengarah di semua syarikat tersenarai di Bursa Malaysia menjelang 2025.

Bagi memperkasakan hak dan menjaga kebajikan wanita serta nilai kekeluargaan masyarakat pula, katanya, kerajaan melalui Kumpulan Wang Simpanan Pekerja melancarkan i-Sayang, yang membolehkan suami memindahkan dua peratus caruman secara sukarela ke dalam akaun KWSP isteri. – KOSMO! ONLINE

PEJUANITA: KPWKM DISARAN TINGKAT DASAR PEMBANGUNAN WANITA

<https://sumberkini.my/pejuanita-kpwkm-disaran-tingkat-dasar-pembangunan-wanita/>

Sumber : Sumber Kini



PETALING JAYA: Kerajaan digesa memperketatkan perlindungan sosial terhadap golongan wanita daripada didera secara mental dan fizikal.

Menerusi satu kenyataan, Ketua Pejuanita Parti Pejuang Tanah Air, Datin Che Asmah Ibrahim berkata nasib golongan ini perlu dibela terutamanya ibu tunggal yang menjadi tulang belakang bagi menyara keluarga mereka.

“Pemeriksaan ekonomi kepada wanita-wanita ini akan membolehkan mereka bangkit semula meneruskan kehidupan dengan lebih baik.

“Selepas PRU15 (Pilihan Raya Umum Ke-15), suara-suara pembelaan dan perjuangan wanita amat kurang didengari di media masa mahu pun parlimen. Yang banyak didengari adalah isu-isu pergaduhan ahli politik yang tidak berkesudahan,” katanya dalam satu kenyataan pada Rabu.

Mengulas lanjut, Che Asmah berharap agar sambutan Hari Wanita Antarabangsa 2023 ini dengan tema #EmbraceEquity menjadi inspirasi kepada Kementerian Pembangunan Wanita, Kebajikan dan Masyarakat (KPWKM) untuk melakukan pembaikan dasar bagi pembangunan wanita di Malaysia.

“Wanita yang berintegriti tinggi dan kompeten perlu untuk tampil memimpin negara. Dalam kelembutannya ada ketegasan. Sopan dan santun dalam berbicara. Cekap dan tangkas dalam bekerja. Itulah Wanita Malaysia!.

“Selamat menyambut Hari Wanita Antarabangsa 2023 #EmbraceEquity,” ujarnya.

JKM MELAKA SIASAT DAKWAAN MAKANAN DI PPS TIDAK BERKUALITI

<https://www.thesundaily.my/cerita/berita/jkm-melaka-siasat-dakwa-an-makanan-di-pps-tidak-berkualiti-PE10724856>

Sumber : The Sun Daily



JASIN: Kerajaan Melaka melalui Jabatan Kebajikan Masyarakat (JKM) negeri akan melakukan siasatan segera dan terperinci berhubung dakwaan makanan tengah hari yang dibekalkan kepada mangsa banjir di Pusat Pemindahan Sementara (PPS) Sekolah Kebangsaan (SK) Sungai Rambai tidak memuaskan.

Exco Hal Ehwal Wanita, Pembangunan Keluarga dan Kebajikan negeri Datuk Kalsom Noordin berkata pihaknya kesal dengan perkara itu yang disifatkan tidak sepatutnya berlaku bagi penyediaan makanan kepada mangsa banjir di PPS.

“Kita tidak akan sesekali berkompromi dalam perkara seumpama ini selain akan mengambil tindakan sewajarnya terhadap pembekal sekiranya didapati perkara itu benar-benar terjadi termasuk menyenarai hitam mana-mana pihak catering yang tidak menjaga kualiti makanan.

“Hasil pemantauan kita di PPS SK Sungai Rambai hari ini, makanan yang dibekalkan dalam keadaan lebih baik selain maklum balas diterima daripada penghuni di PPS juga mengatakan perkara sama,” katanya kepada pemberita di sini hari ini.

Media hari ini melaporkan mangsa banjir di PPS SK Sungai Rambai mendakwa makanan tengah hari yang dibekalkan kepada mereka tidak berkualiti.

Mengulas lanjut, Kalsom berkata pihak JKM memperuntukkan lebih RM20 sehari bagi empat hidangan disediakan kepada setiap mangsa di PPS dan berharap pihak pembekal catering dilantik menyediakan menu mengikut kadar yang berpadanan dengan harga dibayar selain menjaga kualiti makanan.

Beliau berkata setakat ini pihaknya tidak menerima sebarang aduan daripada PPS lain mengenai isu makanan basi atau tidak berkualiti yang dibekalkan kepada mangsa.

“Untuk masa akan datang, kita akan terus menambah baik mutu perkhidmatan makanan kepada penghuni di sini sama ada masak sendiri secara rewang atau melantik pihak kantin sekolah di PPS,” katanya.

Sementara itu, seorang mangsa banjir di PPS SK Sungai Rambai, Laila Md Salleh, 62, dari Kampung Parit Penghulu berkata dia turut berdepan masalah makanan yang kurang memuaskan namun tidak menyuarakan hal tersebut kerana tidak mahu memperbesar isu.

“Saya dipindahkan ke PPS ini sejak Ahad, seperti semalam ikan masak tomato yang diberikan agak berbau kurang menyenangkan tetapi saya jamah nasi sedikit untuk alas perut sementara menunggu makan malam.

“Mulanya saya hanya berdiam diri kerana kuarir jika dikatakan sebagai tidak tahu bersyukur tetapi untuk kebaikan bersama, saya berharap masalah ini diatasi segera,” katanya. – Bernama

INKUES: SYIFAA BERDIRI DALAM BUAIAN, KEPALA TERTUNDUK KELUAR [METROTV]

<https://www.hmetro.com.my/mutakhir/2023/03/943635/inkues-syifaa-berdiri-dalam-buaian-kepala-tertunduk-keluar-metrotv>

Sumber : Harian Metro



Seremban: Saksi ke-19 prosiding inkues kes kematian 'Baby Syifaa' memberitahu Mahkamah Koroner Seremban, hari ini, dia terpaksa menggunakan buaian untuk menidurkan bayi itu kerana dia tidak berhenti menangis.

Pengasuh pusat jagaan Khairulnisa Ahmad Damunhuri, 38, berkata, dia perlu menidurkan Nour Rania Asyifaa tangisan bayi berusia 15 bulan itu akan mengganggu dua lagi bayi asuhannya.

Katanya, buaian itu hanya digunakan sekali-sekala apabila keadaan mendesak dan ia disimpan di dalam almari.

"Apabila Syifaa menangis, bayi yang lain pun tidak boleh tidur. Pada mulanya saya ribakannya tetapi dia tetap menangis dan pada masa sama saya menghenjut dua 'rocker' di kiri dan kanan dengan kaki untuk tidurkan dua anak jagaan.

"Apabila saya masukkan Syifaa dalam buaian, buaian itu tak boleh menghenjut dan saya letak kain lampin kerana takut spring besi buaian itu patah kerana ia sudah lama," katanya pada prosiding hari keempat inkues, hari ini.

Khairulnisa turut memberitahu taska itu mula beroperasi pada Disember tahun 2020 dan menempatkan seramai 15 bayi dan kanak-kanak.

"Bawah jagaan saya ada tiga orang dan bawah jagaan adik saya pula ada 12 orang. Tetapi jika ada waktu senggang, saya akan bantu uruskan sama-sama.

"Hanya kami berdua sebagai pengasuh kerana pengasuh ketiga berhenti pada Januari untuk sambung belajar. Sepatutnya pengasuh baharu masuk kerja bulan Mac tetapi tidak dapat teruskan khidmat kerana kejadian yang berlaku," katanya.

Wanita itu turut mengakui taska itu beroperasi tanpa lesen Jabatan Kebajikan Masyarakat (JKM) dan pada masa dia sendiri tidak mempunyai sebarang tauliah atau sijil Kursus Asuhan dan Didikan Kanak-Kanak Permata yang diiktiraf JKM.

"Tapi saya ada pengalaman menjadi pengasuh di rumah. Pada awalnya hanya ada seorang ibu menghantar tiga anak dan kemudian bertambah.

"Selepas adik tamat belajar, saya sarankan kami buka taska supaya ada tempat lebih selesa dan selamat untuk menjaga anak-anak ini," katanya.

Pada prosiding bersambung pada sebelah petang itu, Khairulnisa menunjukkan demonstrasi cara dia memasang buaian dan bagaimana keadaan Syifaa ketika ditemui.

"Saya tengok Syifaa berada dalam keadaan berdiri di dalam buaian dengan keadaan kepala dia tertunduk keluar dari buaian.

"Saya menjerit terkejut dan memanggil Syifaa ketika mengangkatnya dia macam mengambil nafas tetapi keadaannya sudah terkulai," katanya.

Khairulnisa berkata, walaupun tidak mempunyai pengetahuan asas tentang bantuan pernafasan tetapi dia cuba melakukannya untuk menyelamatkan Syifaa dengan cara menekan dadanya beberapa kali.

Pada prodising itu, keluarga Syifaa diwakili peguam Gauthri Thomas dan Hafiz Norkhan mankala peguam pemerhati pihak pengasuh, S Kavitha.

Mahkamah turut menetapkan prosiding inkues bersambung 21 dan 22 Mac ini untuk mendengar keterangan tujuh lagi saksi.

Media sebelum ini melaporkan, Nour Rania Asyifaa, 15 bulan, ditemui tidak sedarkan diri di dalam buaian di sebuah bilik di pusat asuhan di Taman Nusari Aman, Bandar Sri Sendayan pada 22 Februari 2022.

Pada 30 Mac 2022, Yuseri mendakwa anaknya dijerut dan bukan meninggal dunia disebabkan kepala terjerut pada kain buaian.

DASAR PINDAAN TIGA AKTA BERKAITAN JENAYAH SEKSUAL KANAK-KANAK DILULUSKAN

<https://www.malaysiakini.com/news/657840>

Sumber : Malaysia Kini



Kerajaan telah meluluskan dasar pindaan terhadap tiga akta berkaitan jenayah seksual kanak-kanak bagi memastikan keadilan kepada mangsa dan saksi kanak-kanak.

Menteri di Jabatan Perdana Menteri (Undang-Undang dan Reformasi Institusi) Datuk Seri Azalina Othman Said berkata ia melibatkan Akta Kesalahan-Kesalahan Seksual Terhadap Kanak-Kanak 2017 (Akta 792), Akta Keterangan Saksi Kanak- Kanak 2007 (Akta 676) dan Akta Keterangan 1950 (Akta 56) yang diluluskan pada 24 Feb lepas.

Jelasnya, pindaan itu dilakukan menerusi dua fasa dengan fasa pertama melibatkan tiga cadangan pindaan dilakukan pada sidang kali ini, manakala fasa kedua dilaksanakan pada sidang parlimen akan datang.

“Antara cadangan pindaan yang akan dibuat adalah memperkenalkan langkah tambahan mesra kanak-kanak untuk melindungi mangsa kanak-kanak, mewujudkan kesalahan-kesalahan baharu dan memperuntukkan pampasan kepada mangsa kanak-kanak.

“Pindaan perundangan yang bakal dilaksanakan ini merupakan perubahan positif kepada sistem keadilan jenayah terhadap kanak-kanak di Malaysia dan ia juga menunjukkan komitmen kerajaan untuk sentiasa terbuka ke arah pembaharuan dan penambahbaikan sistem perundangan dan keadilan di negara ini,” katanya.

Beliau berkata demikian ketika menggulung perbahasan Rang Undang-Undang Perbekalan 2023 peringkat dasar di Dewan Rakyat, hari ini.

Beliau berkata reformasi dicadangkan itu diharapkan dapat membantu mangsa atau saksi kanak-kanak daripada mengalami trauma berpanjangan akibat terpaksa melalui proses perbicaraan berpanjangan, berulang-ulang dan sistem kehakiman yang bersifat tidak mesra kanak-kanak

Selain itu, beliau berkata Bahagian Hal Ehwal Undang-Undang Jabatan Perdana Menteri juga sedang melaksanakan kajian untuk menggubal Rang Undang-Undang Pembelaan Awam bagi menawarkan perkhidmatan bantuan guaman dalam kes jenayah secara holistik.

Katanya, ia bertujuan memberikan peluang kepada semua terutamanya golongan kurang berkemampuan untuk mendapat akses kepada keadilan.

Azalina berkata Yayasan Bantuan Guaman Kebangsaan (YBGK) telah memberikan perkhidmatan bantuan guaman jenayah kepada 657,057 orang dari 2020 hingga 2022.

“Ini bermakna secara purata rakyat Malaysia dan bukan warganegara di bawah umur 18 tahun diberi akses kepada keadilan pada setiap tahun sebanyak 219, 019 orang. Daripada jumlah ini, perkhidmatan yang paling banyak diberikan oleh YBGK adalah semasa peringkat reman iaitu sebanyak 53.1 peratus daripada keseluruhan bilangan perkhidmatan YBGK,” katanya.

YBGK adalah sebuah badan yang menyediakan bantuan guaman kepada semua kes jenayah kecuali yang membawa hukuman mati kepada warganegara dan bukan warganegara di bawah umur 18 tahun semasa tangkapan dibuat, reman, permohonan ikat jamin, pengurangan hukuman (mitigasi), perbicaraan dan rayuan. – Bernama

KEPALA KANAK-KANAK TERSANGKUT CELAH JERIJI PINTU

<https://www.sinarharian.com.my/article/248748/edisi/selangor-kl/kepala-kanak-kanak-tersangkut-celah-jeriji-pintu>

Sumber : Sinar Harian



SHAH ALAM - Seorang kanak-kanak berhadapan detik cemas selepas kepalanya tersangkut pada jeriji pintu hampir setengah jam di kediamannya di Bandar Puncak Alam di sini pada Rabu.

Pengarah Jabatan Bomba dan Penyelamat Malaysia (JBPM) Selangor, Morni Mamat berkata, sepasukan anggota Balai Bomba dan Penyelamat (BBP) Bestari Jaya dikejarkan ke lokasi selepas menerima panggilan pada jam 1.22 petang.

"Anggota operasi yang tiba bertindak meregangkan jeriji terbabit.

"Pihak bomba mengambil masa kira-kira 25 minit bagi mengeluarkan kepala kanak-kanak lelaki berusia tiga tahun itu yang tersangkut di jeriji pintu rumah," katanya pada Rabu.

Tambahnya, difahamkan tiada kecederaan pada mangsa sebelum diserahkan kepada ibunya.

Katanya, operasi berjalan lancar dan tamat sepenuhnya pada jam 2.30 petang.

BERHENTI KERJA JAGA ISTERI STROK, ANAK OKU

<https://www.sinarharian.com.my/article/248809/edisi/melaka-ns/berhenti-kerja-jaga-isteri-strok-anak-oku>

Sumber : Sinar Harian



SEREMBAN - Berat ujian buat seorang suami apabila isteri yang selama ini menggalas tanggungjawab sepenuhnya mengurus anak orang kurang upaya (OKU) mereka di rumah, kini terlantar sakit akibat strok.

Keadaan itu menyebabkan Ishak Abd Rahim, 43, terpaksa membuat keputusan berhenti kerja Mei tahun lalu bagi memberi perhatian sepenuhnya kepada isteri, Norfarahida Zainal, 43, dan anak istimewanya, Balqis Najwa, 19.

Kini menjadi rutin buat bapa kepada empat cahaya mata itu menguruskan isteri yang tidak lagi mampu untuk bergerak dan hilang ingatan.

"Apa yang terjadi kepada isteri sangat mengejutkan saya kerana selama ini dia tak pernah berdepan masalah kesihatan serius tapi secara tiba-tiba rebah di rumah.

"Pemeriksaan mendapati, tekanan darahnya terlalu tinggi mengakibatkan pembuluh darahnya pecah dan sejak itu dia terus terlantar," katanya ketika ditemui di rumahnya di Taman Jasmin Indah di sini pada Rabu.

Menurutnya, doktor memaklumkan peluang isteri untuk pulih hanya 30 ke 40 peratus dan kini hanya bergantung kepada susu khas.

Malah katanya, disebabkan keadaan isteri yang hanya terbaring, dia mengalami luka 'bedsore' di belakang badan yang agak besar.



Ishak berharap berlalu keajaiban kepada Norfarahida.

"Saya perlu peruntukan kira-kira RM2,000 sebulan untuk penjagaan dan perubatan isteri sahaja. Susu khas itu paling mahal iaitu RM75 satu tin.

"Itu pun saya terpaksa hadkan beri susu kepada isteri kerana nak kurangkan kos," katanya.

Apabila mengenang ujian dilalui, Ishak mengakui ada ketikanya dia menangis dalam hati ditambah pula buntu memikirkan duit simpanan yang hampir susut.

Ujarnya, selama ini isterilah yang menjadi penguat hati tetapi kini segalanya perlu ditanggung sendirian.

"Dulu apabila diuji dengan anak OKU, saya ada isteri sebagai pemberi semangat, tetapi sekarang kena berdepan semua ini sendirian.

"Keadaan ini betul-betul buat saya rasa hilang semangat. Sekarang, saya ada lagi duit simpanan buat tampung hidup, tapi tak tahu sampai bila boleh bertahan kerana tak bekerja," katanya.

Malah disebabkan tekanan dihadapi Ishak mengakui pernah meminta anak bongsunya, Balqis Najla berusia 17 tahun untuk berhenti sekolah bagi membantu mengurus isteri dan anak OKU sekali gus membolehkannya terus mencari rezeki buat keluarga.

Bagaimanapun katanya, dia mengubah fikiran selepas memikirkan masa depan anaknya itu yang juga cemerlang dalam peperiksaan.

"Saya ada terima bantuan Jabatan Kebajikan Masyarakat (JKM) sebanyak RM500 sebulan. Tapi untuk tampung perbelanjaan sepenuhnya memang tak mencukupi.



Ishak melihat keadaan Balqis Najwa sambil diperhatikan Balqis Najla.

"Kalau ada sesiapa yang boleh tawarkan kerja dari rumah saya sanggup terima asalkan ia boleh bantu kehidupan saya," katanya.

Kata Ishak, dia juga mengalu-alukan jika ada mana-mana pihak yang dapat membantu menawarkan rawatan alternatif kepada isterinya termasuk soal penjagaan pesakit strok.

Sebelum ini Pertubuhan Kebajikan Asnaf Setia Kasih Negeri Sembilan (Perkasih N9) menyampaikan sumbangan barang keperluan dan lampin pakai buang kepada keluarga berkenaan.

Sehubungan itu, orang ramai boleh menghulurkan bantuan dengan menghubungi Ishak 016-7682114 atau menyalurkan sumbangan ke nombor akaun Bank Simpanan Nasional (BSN) 05001-41-100048956 (Ishak).

SUAMI ISTERI MILIKI DUA ANAK OKU SEBAK DAPAT RUMAH BAHARU

<https://www.sinarharian.com.my/article/248692/edisi/suami-isteri-miliki-dua-anak-oku-sebak-dapat-rumah-baharu>

Sumber : Sinar Harian



MARANG - Pasangan suami isteri yang memiliki dua anak orang kurang upaya (OKU) menitikkan air mata dan bersyukur setelah penantian selama dua tahun untuk mendiami rumah sendiri menjadi kenyataan.

Syamsiah Osman, 43 dan suami, Mansor Said, 45 dari Kampung Padang Mengkuang, Bukit Payong, di sini merupakan penerima bantuan pembinaan rumah di bawah Projek Baiti Jannati 2021 dengan usaha sama Yayasan DiRaja Sultan Sultan Mizan (YDSM) dan Tenaga Nasional Berhad (TNB).

Menurut Syamsiah, rumah yang dibina itu dilengkapi dengan dua buah bilik di mana sebuah bilik diubah suai dengan saiz lebih besar berserta kemudahan untuk penjagaan dan memandikan dua anaknya yang menghidap cerebral palsy.

"Sebelum ini saya tinggal sementara di rumah ibu angkat suami berdekatan dengan kawasan ini.

"Selepas permohonan untuk bantuan mendirikan rumah di atas tanah milik keluarga diluluskan dan rumah ini siap, kami berpindah ke sini.

"Saya bersyukur sangat sebab kelengkapan yang ada memudahkan saya dan suami untuk menguruskan dua anak ini kerana mereka berdua memerlukan penjagaan rapi setiap masa," ujarnya ketika ditemui pemberita pada majlis perasmian projek itu di sini, pada Rabu.



Syamsiah

Syamsiah merupakan suri rumah manakala suaminya bekerja di sebuah kedai kereta di samping menjalankan perniagaan sampingan secara kecil-kecilan.

Mereka dikurniakan tiga cahaya mata iaitu Muhammad Daniel Hakimi, 15; Muhammad Daniel Mikael Zikiir, 11 dan Muhammad Raihan Muazzam, 4.

Bagaimanapun, anak kedua pasangan itu iaitu Muhammad Daniel Mikael Zikiir yang juga menghidap cerebral palsy meninggal dunia tahun lalu.

Kedua-dua anaknya kini menerima rawatan susulan di Hospital Sultanah Nur Zahirah (HSNZ) dan Hospital Kuala Lumpur (HKL).

Menurut Syamsiah, mereka juga menerima bantuan susu serta lampin pakai buang dari Majlis Agama Islam dan Adat Melayu Terengganu (Maidam).

Selain itu, katanya, Jabatan Kebajikan Masyarakat (JKM) turut menyalurkan bantuan bulanan sebanyak RM300 untuk anak sulungnya dan RM500 bagi penjaga.

Sementara itu, Ahli Lembaga Pemegang Amanah YDSM, Datuk Mohd Fadzli Yusof berkata, bantuan pembinaan rumah itu merupakan salah satu daripada program di bawah peruntukan wang zakat yang disalurkan kepada golongan memerlukan yang benar-benar layak.

Katanya, kira-kira 30 buah rumah telah dibina menerusi projek tersebut sejak 2021.

"Setiap rumah dibina menelan kos sebanyak RM50,000 termasuk alatan dan kemudahan asas yang diperlukan oleh penerima bantuan seperti mesin basuh dan peti sejuk.

"Memandangkan kos barangan telah meningkat dan kita juga tidak mahu membebankan penerima, kita jangka untuk pembinaan akan datang kita akan tambah peruntukan kepada RM60,000 bagi sebuah rumah termasuk perkakasan asas di dalam rumah," katanya.

OKU PENGLIHATAN MOHON BANTUAN BAGI MENERUSKAN KELANGSUNGAN HIDUP

<https://www.utusanborneo.com.my/2023/03/08/oku-penglihatan-mohon-bantuan-bagi-meneruskan-kelangsungan-hidup>

Sumber : Utusan Borneo



KUCHING: Selepas lapan tahun memegang kad pengenalan merah atau MyPR, seorang warga orang kurang upaya (OKU) penglihatan, Line memohon agar dia mendapat bantuan sewajarnya bagi membantu meneruskan kelangsungan hidup.

Line yang kini berusia 54 tahun, telah tinggal di Sarawak sejak 1973 selepas ditinggalkan oleh ibu bapanya yang berasal dari negara jiran, Indonesia semasa dia mendapat rawatan di hospital di daerah Bau ketika itu.

"Masa itu saya mengalami demam panas yang teruk sehingga menyebabkan saya hilang penglihatan dan selepas saya dimasukkan ke hospital, ibu bapa saya tinggalkan saya ketika itu.

"Namun atas bantuan pihak hospital saya diserahkan untuk jagaan Salvation Army di sini yang seterusnya membantu saya mendapatkan sekolah khas di Jalan Ong Tiang Swee.

"Pada 2015 atas bantuan Salvation Army juga saya telah berjaya mendapatkan kad pengenalan merah tetapi dengan keadaan saya ini, saya tidak mendapat bantuan yang menyukarkan kelangsungan hidup saya," katanya ketika ditemui Utusan Borneo di kediamannya di sini, hari ini.

Line berkata, keadaannya semakin sukar selepas suaminya yang merupakan warga tempatan, Lias Daleng meninggal dunia pada bulan lepas.

Keadaan itu menyukarkan kehidupan Line kerana selama ini dia bergantung kepada mendiang suaminya yang juga merupakan OKU penglihatan tetapi bekerja sebagai pekerja am di sektor awam.

"Apa yang saya mohon adalah untuk mendapatkan bantuan sewajarnya kerana saya tidak mendapat apa-apa bantuan daripada mana-mana pihak termasuk pertubuhan bukan kerajaan.

"Sebolehnya saya memang memohon untuk mendapatkan kerakyatan agar saya boleh mendapat bantuan kebajikan atau yang penting mendapat latihan kemahiran untuk saya teruskan kehidupan," ujarnya.

Dia bersama Lias telah berkahwin pada 1994 dan dikurniakan tiga orang anak, dengan yang sulung telah berkahwin dan tinggal di rumah sendiri sementara dia tinggal dengan dua lagi anaknya.

Tambah Line, dia kini bernasib baik memandangkan masih ada tempat tinggal iaitu rumah peninggalan mendiang suaminya.

Sementara itu Pengerusi Pertubuhan Orang Cacat Penglihatan Malaysia Sarawak Isak Ngau yang hadir mengadakan lawatan ke rumah Line turut menyatakan komitmen akan membantunya menerusi persatuan.

Katanya persatuan akan berusaha membantu dari pelbagai sudut kepada Line terutama mendapatkan dokumen kerakyatan memandangkan ia amat penting untuk dirinya mendapatkan bantuan kebajikan.

"Kita memohon juga kepada pihak berwajib atau berkaitan dapat membantu dan persatuan bersedia bekerjasama dengan mereka dalam menyalurkan apa sahaja maklumat.

"Dokumen ini amat penting kepada Line terutama dari segi kebajikan, kerana dia perlu bantuan untuk meneruskan kelangsungan hidupnya. Bukan sahaja kebajikan tetapi dari segi perubatan, latihan kemahiran dan sebagainya.

"Malahan pada hari ini, kami daripada persatuan secara simbolik menyerahkan tongkat putih kepadanya agar dia dapat menguruskan diri seharian menggunakan tongkat itu," katanya.

Isak berkata, semalam juga persatuan menguruskan proses bantuan pihaknya kepada Line termasuk kebajikan iaitu bantuan khairat kematian berjumlah RM300.

Jelasnya sebelum ini mendiang suaminya merupakan ahli persatuan dan Line layak mendapat bantuan khairat kematian berkenaan.

"Hari ini juga kita akan bantu Line untuk menjadi ahli persatuan bagi memudahkan kita menyalurkan bantuan daripada persatuan," katanya.

JKSS SENTIASA LINDUNGI HAK NAFKAH WANITA DAN KANAK-KANAK

<https://www.utusanborneo.com.my/2023/03/08/jkss-sentiasa-lindungi-hak-nafkah-wanita-dan-kanak-kanak>

Sumber : Utusan Borneo



MIRI: Jabatan Kehakiman Syariah Sarawak (JKSS) melalui Bahagian Sokongan Keluarga (BSK) sentiasa melindungi hak isteri dan anak-anak daripada suami atau bapa yang gagal mematuhi perintah nafkah yang dikeluarkan oleh Mahkamah Syariah.

Ketua Hakim Syarie JKSS Datu Awang Suhaili Ledi berkata, BSK adalah bahagian yang bertanggungjawab melaksanakan dan menguatkuasakan perintah nafkah Mahkamah Syariah berhubung tunggakan nafkah anak, nafkah isteri, nafkah idah dan mutaah.

“Bagi melancarkan proses penguatkuasaan perintah Mahkamah Syariah berhubung tunggakan nafkah, maka BSK mengambil pendekatan mewujudkan empat unit iaitu Unit Pemantauan (UP), Unit Khidmat Nasihat Perundangan (UKNP), Unit Penguatkuasaan dan Pelaksanaan Perintah (UPPP) dan Unit Pengurusan Dana (UPD).

“Unit-unit tersebut berperanan secara seiring bagi memastikan bahawa pihak pemiutang penghakiman terutama anak dan isteri tidak teraniaya daripada perbuatan bapa atau suami yang gagal dan ingkar melaksanakan perintah nafkah tersebut.

“Malah peningkatan kos sara hidup tidak boleh dijadikan alasan untuk mengabaikan hak dan tanggungjawab sebagai seorang suami atau bapa,” tegasnya.

Beliau berkata demikian pada Majlis Penyerahan Bantuan Dana Sokongan Keluarga BSK dan Sumbangan Asnaf JKSS di Miri Marriot Resort & Spa di sini, semalam.

Mengenai bantuan BSK jelas Awang Suhaili, dana berkenaan diselia di bawah unit UPD khusus kepada pelanggan BSK iaitu isteri dan anak-anak yang mempunyai perintah nafkah Mahkamah Syariah.

“Pemberian ini bagi memastikan kebajikan mereka terjaga dari segi nafkah yang berkaitan sementara menunggu prosiding penguatkuasaan selesai,” tambahnya.

Pada majlis berkenaan, Awang Suhaili menyampaikan bantuan dana BSK kepada 17 penerima dari Kuching dan Miri.

Beliau turut menyampaikan sumbangan asnaf daripada Kelab Kebajikan & Rekreasi JKSS kepada lima penerima.

Hadir sama ialah Ketua Pendaftar JKSS Abdul Karim Mohd Nuli, Pegawai Tadbir Arshad Samshu yang mewakili Residen Bahagian Miri dan Temenggung Dato Abdul Rahman Abang Fadzail.